

L'appel à banne ki fine quitte zotte Deen

Dimoune ki fine quitte Deen et fine rente dans la religion banne kaafir, alors zotte capave re-retourne dans zotte Deen ki zotte ti été auparavant. Tanque zotte lizié pé encore battu, zotte encore ena chance repentir et re-attrape l'islam.

Allah Ta'ala li grand Pardonneur. Li pou pardonne zotte si zotte sincère. Ça li applique pou même ene dimoune ki fine gagne boucou le temps depi ki li fine quitte Deen. Faudré pas blié ça causé ki dire :

“Tanque ena la vie, ena l'espoir”

La porte de Tawbah (repentir) li reste ouvert tanque ene dimoune li encore vivant. Coumsa même banne ki fine quitte zotte Deen acoze ki zotte fine marié dans kaafir, zotte aussi zotte capave revine dans zotte Deen. Ça capave crée certaine problème social mais bizin calculé ki ça problème ki pou gagné dans mort lors la religion kaafir, li boucou pli grave. Li ene problème ki pas pou fini. Li pou reste pou tout le temps.

Vaut mieux ene ti problème pou ene morceau jours ki ene problème pou tout le temps. Ki Allah Ta'ala donne nou tous le courage et le taufeeq ! Ameen.

La Chair Halal

En principe pou ene la chair li garantie halal, li bizin dans contrôle de ene musulman ki compétent et honnête. Sa contrôle la li bizin ene contrôle continuele ki existé depuis l'abattage ziska ki li vine lor la table. De ce fait, JUM pas donne aukene certificat a banne abattoir, cold storage, restaurant et l'usine (ki traite banne produits la chaire) ki dans possession banne non-musulman, excepté si sa banne critères suivants la fine être respecté:

- Zot d'accord pou garde ene musulman ki JUM accepté comme superviseur pou supervise zot travail chaque jour.
- Sa superviseur la pou bizin accepté suivre JUM so banne instructions et applique zot avec l'honnêteté.
- Superviseur la pou gagne ene formulaire pour rempli en même temps quand li pe vérifier. La dans ena banne donné et information important ki li bizin rempli chaque jour travail.
- De temps a autre sa banne formulaire la pou bizin soumettre à JUM par superviseur.
- Banne inspecteurs de JUM pou faire visite dans sa banne place la pou vérifié et assuré ki banne superviseur la pe bien faire zotte travail.
- En cas de négligence, JUM réserve le droit pou enlève so certificat et informe publique de la situation.



JAMIAT-UL-ULAMA of MAURITIUS
Cnr. Penang & Sumatra Street, Port Louis, Mauritius
Tel: 240-0439 , Website: <http://www.jamiat-ul-ulama.org>
Email: jamiat@intnet.mu / jamiathalal@myt.mu

